

影印
文淵閣
四庫全書

影印

文淵閣四庫全書

第六五三冊

北京出版集團公司
北京出版社

本册目次

萬壽盛典初集(一)

清

王奕清
王原祁
等奉敕撰

王揆監修

.....
一

欽定四庫全書

史部

萬壽盛典初集
進表 奏摺
凡例 目錄

詳校官宗人府府丞臣實光鼐

編修臣程嘉謨覆勘

總校官知縣臣楊懋珩

校對官編修臣沈清藻

謄錄監生臣章玉輅

欽定四庫全書

恭纂

萬壽盛典初集告成

進表

大學士臣馬齊臣松柱臣蕭永藻臣王揆等恭

承

勅旨纂修

萬壽盛典初集告成謹奉

欽定四庫全書

萬壽盛典初集
進表

表上

進者臣等誠歡誠忭稽首頓首

上言伏以璇符肇祉榮河開龍馬之禎玉歷凝庥紫

極煥星虹之彩重華大德位祿名以壽而彌尊

圜蓋無私元亨利以貞而益久大人法天行健

宇宙長春君子應地含弘岡陵竝固巍巍蕩蕩

至化與上下同流翼翼綿綿永命共乾坤一氣

祥延華渚記表環樞和溢康衢圖傳擊壤疇稱

五福原本於洛書詩頌九如沿流為繪事惟茂

實允揚乎簡冊斯休光聿炳乎丹青欽惟

皇帝陛下

經天緯地

左義右軒

靜探禮樂之源

動法雷霆之奮

文教誕敷於有截

欽定四庫全書

萬壽盛典初集
進表

武功震疊於無垠仗旄鉞以行誅連戡三孽迅鑿旂

而問罪立靖西陸烽燧永銷都護拓臨邊之府

版圖式廓提封標跨海之疆悉子悉臣同車書

而一尉候來王來享奉正朔而輯圭璋盡裡郊

饗

帝之誠紫壇昭事懋

祈穀重農之典元日親行展敬

園陵肅歲時之孝享承歡

長樂竭冬夏之清温

問夜求衣虔臨庶政

早宮菲食總攬萬幾視四海猶戶庭運天下如指掌

蠲租賜復養賢崇老之詔史不絕書越漠踰沙梯山

航海之珍府無虛月濬川陂澤

指方略而禹甸咸寧慎法卹刑

布渙汗而湯羅頻解暑耕寒織每厘

宸衷十雨五風輒縈

欽定四庫全書

萬壽盛典初集
進表

睿慮捍大災而興大利

功過平成後民樂而先民憂

惠深懷保加以

統承洙泗

道接唐虞

集羣聖之大成

冠百王而首出

扶圖書之秘典究貫三才

闡雅頌之精微推原四始胸羅象緯潛通七曜之編

手按方輿洞燭九州之勢

綸音渾噩雲漢昭回

奎畫輝煌鳳鸞翥道竝該乎游藝

聖兼擅於多能內外臣工經眸即識古今紀載流覽不

忘大邑穹壤而靡遺細析毫芒而無間雖抗六

典之鴻議不足比測淵深備九籍之瓌詞詎能

贊揚美盛者矣昨者歲在昭陽月當姑洗值萬

欽定四庫全書

萬壽盛典初集
進表

福來同之日正

六旬大慶之期慶霄晴朗以舒光景曜淑清而啟旦羣

工拜揚於鷺序多士忭舞於芹宮卒伍額手於

軍屯商旅謳吟於市路南北萬四千里皆如江

漢之朝宗郡國百九十州咸若星辰之拱極以

速重譯貢琛之使依風請吏之徒莫不稽首趨

廷稱觴叩闕斯時也

皇上朝萬國而闡虞門

御六龍而回文囿執爇虎士警蹕停聲帶劍鶻冠辟

除罷唱髻倪雜沓企踵而仰

舜顏士女駢闐連袂而瞻

堯顙山鳴萬歲殷地以徹天日耀五雲懸晨而不夜珠

幢絳節掩靄琳宮法曲仙音飄颺金界香焚夾

道爐煙瑞霧俱霏綵綯交達繡幃彤霞一色九

芝萃秀競產於

帝池雙舸呈斑來馴於

欽定四庫全書

萬壽盛典初集
進表

內苑於是百僚獻頌聿宣鍾石之聲率土歌風並上

升恒之祝適哉皇哉美矣至矣而我

皇上方且却鴻名而不受履至德而弗居願以億姓安

為

一人之安即以

皇極福為庶民之福普施

大賚廣沛

洪仁類錫

天潢重衍榮滋於藩服秩增在位更推優異於舊臣

免賦則三載一周恩覃節屋造士則兩闡特設

化被髦儒法網弘開犴戶遍生綠草帑金大布

龍驥盡沐春波而且

頌瑤宴以引高年

賜大酺而歡黎兆黃髮兒齒咸飲

禁厨玉斝兒觥親勞

帝胄沃澤霑乎海宇太和洽於人心含氣欣欣若耘

欽定四庫全書

萬壽盛典初集
進表

六

耨之逢甘雨懷情款款譬草木之值春風自炎

黃而降未都其床即開闢以來罕聞斯盛允宜

彰施於毫素陋唐家封禪之圖點染於鉛朱嗤

周室旅獒之畫

誥謨制勅竝勒銀繩文賦詩歌都裝錦軸輯

萬壽之盛典垂一代之鴻編原任戶部侍郎臣王原祁

修纂於前詹事府詹事臣王奕清踵事於後計

歷三稔而周彙集百二十卷全書告成恭呈

御覽熊熊寶氣下燭西崑爛爛文光仰騰東壁將見無

疆

聖歷六十年甲子方新不老大椿八千歲春秋常在圖

皆據實非誇銀甕金船言必援經遠婉赤文綠

字臣等謬忝綸扉濫塵政府幸際

都俞之盛世欣逢

壽考之昌辰揚勝事於璿圖願添

帝籙表鴻徽於瓊版祇頌

欽定四庫全書

萬壽盛典初集
進表

七

堯年剗剗初成裝潢始就高文黼繪通昭

聖代之光華傳彩開雕備覩萬方之燕喜捧琅函而欲

舞抱綳帙以騰歡臣等無任瞻

天仰

聖躋躍懼忤之至謹奉

表恭

進以

聞

康熙五十六年正月初一日

欽定四庫全書

萬壽盛典初集
進表

欽定四庫全書

恭纂

萬壽盛典初集各奏摺

康熙五十三年正月初八日 臣王原祁謹

奏為欣逢

聖壽之昌期宜備

萬年之盛典恭請

俞旨纂修以布萬方永垂億世事康熙五十二年三月

欽定四庫全書

萬壽盛典初集
奏摺

十八日恭逢

皇上六旬萬壽喜

天甲之初周慶

皇恩之大沛者庶歡呼而赴

闕街衢結綵以迎

鑾十七日進

宮鹵簿之儀以及夾道衢歌之盛 臣恭承

俞旨謹繪長圖已經鈎成初本進呈

御覽奉

旨萬壽圖畫得甚好無有更改處欽此即領絹鈎摹正

本外臣竊惟自古有圖則必有史圖以象形藏

策府而傳億載史以紀實示臣民而布萬方在

皇朝盛典隆恩自炳於

起居之注而臣下瞻

天仰

聖尤望有紀盛之書臣受

欽定四庫全書

萬壽盛典初集
奏摺

恩深重既繪

萬壽長圖尤願恭紀

萬壽盛典

睿藻之輝煌

恩綸之廣大典禮之詳明歌頌之洋溢俱宜修輯成書

傳布永久臣年雖逾七十部務之暇尚可兼理

臣子編修臣王暮供職翰林正宜效力編纂修

撰臣王敬銘向隨臣學畫亦宜一體效力伏思

是書係

聖朝鉅典不敢草率編摩臣前掌院學士任內素知編

修臣查嗣琛嵇魯鈞儲在文修撰臣王世琛皆

勤慎可任纂修其收掌擬即派候補待詔臣曹

日瑛所有

萬壽圖中龍棚經棚計共五十餘處仍率冷枚等照依

書式另畫刻本列諸卷中則圖紀具陳開卷瞭

然用以昭示四方永垂萬世伏乞

欽定四庫全書

萬壽盛典初集
奏摺

皇上俯允臣請俾天下臣民普同瞻仰慶祝

萬壽無疆恭候

命下其書中一應事宜容臣同纂修官員恭擬凡例摺

奏請

旨臣不勝踴躍懼忭之至謹

奏

本日奉

旨依議

二十一日臣王原祁謹

奏臣於正月初八日具摺恭請纂修

萬壽盛典奉

旨鈔寫著選新進士字好的用欽此

萬壽科新進士情願效力者甚多臣就見聞所及選得

王賚等二十四名具摺呈

覽本日奉

旨著王原祁會同揆叙湯右魯挑選十名殼用了欽此

欽定四庫全書

萬壽盛典初集
奏摺

欽遵於本月二十一日將進士王賚等二十四

名傳齊公同考試挑選得王賚溫儀鄒允煥周

本治陳溥高輝張榮源陸琮于本宏車敏米十員

到館辦事

三月十一日臣王原祁謹

奏臣荷蒙

聖慈允臣所請纂修

萬壽盛典懽躍無似臣自愧卑陋不足導揚盛事黼藻

昌期惟有勉竭駑駘罔敢稍懈謹同纂修官編

修臣查嗣琛臣嵇曾筠臣儲在文修撰臣王世

琛臣王敬銘并率臣子編修臣王暮恭擬凡例

條目進呈

欽定四庫全書

萬壽盛典初集
奏摺

御覽伏候

聖訓指示以便編輯臣又照依書式另畫

萬壽圖刻本謹呈畫稿九張并乞

聖裁訓定即陸續繪圖刊刻恭

進謹

奏

本日奉

旨交南書房翰林看

十五日

南書房議覆

發下王原祁等擬纂

萬壽盛典條目凡例臣等詳議欽惟

皇上功德超邁久道化成恭遇

六十萬壽人心天意景應協從一時隆典亘古未有是

非紀述詳備不能形容盛美今所擬條目首紀

御製諭詔詩賦二紀

欽定四庫全書

萬壽盛典初集
奏摺

聖德三紀典禮四紀

恩賚五紀慶祝六載臣下歌頌詩文分類周悉體例亦

當其所擬凡例內第八則擬於每條之下附以

頌語臣等伏念

皇上政教號令如日月經天江河行地臣下謹紀實事

已足垂示萬古况

盛德大業亦非贊揚之所能盡作頌一條似可不必又

第六則擬悉錄臣民所進

萬壽詩文臣等伏思是書之成為我

朝盛事千古美談凡臣下所進歌頌雖皆出於忠愛

之誠亦應擇其詞義之典雅明順者採錄編次

不宜槩載徒事卷帙浩繁餘條所擬應如所請

臣等愚陋淺識伏候

聖裁謹

奏

本日奉

欽定四庫全書

萬壽盛典初集
奏摺

旨依議

康熙五十四年正月二十二日 臣王原祁謹

奏竊 臣奏請纂修

萬壽盛典荷蒙

聖慈俞允隨恭擬條例進

呈奉

旨交南書房詳議發下欽此隨移各衙門咨取檔案臣

同纂修侍講臣查嗣琛編修臣嵇曾筠臣儲在

文修撰臣王世琛臣王敬銘臣男編修臣王暮

欽定四庫全書

萬壽盛典初集 奏摺

及校錄進士臣王賚溫儀鄒允煥周本治陳溥

高輝張榮源陸琮于本宏車敏來等十員朝夕

編輯罔敢逸懈伏見

帝德高厚

天慶綿長臣民沐浴

膏澤歌舞歡忭之狀珥筆難名形容莫罄已編初稿茲

謹繕寫先將恭紀第一條

宸藻二卷第二條

聖德六卷第三條典禮十四卷及慶祝中之圖畫圖記

八卷恭呈

御覽其中恐有體例未合詞句未當應行刪改處伏乞

聖訓指示恭候

命下遵行將全書陸續繕寫進

呈更有請者五十三年七月侍講臣查嗣琛奉

命提督順天學政其分纂之書臣素知有翰林院編修

今陞庶子臣李紱學問優長已到館代纂理合

欽定四庫全書

萬壽盛典初集 奏摺

奏明伏乞

睿鑒令其在館辦事其畫圖刻本現在刊刻謹

奏

本日奉

旨是交南書房翰林看

二十九日戶部員外郎臣趙之垣謹

奏為

萬壽盛典告成恭請校刻以垂永久事恭惟我

皇上峻德登三鴻功成五得位得祿得名得壽

一人欽福以錫民乃文乃武乃聖乃神四海稱觴而進

頌歡聲徹地愷澤敷天爰

咨彙輯以成書竝付丹青以示象一時

盛典千載竒逢伏念臣世受

欽定四庫全書

萬壽盛典初集
奏摺

皇恩歷膺

聖眷祖孫父子疊被

寵榮一家之受恩益厚終身之仰答愈難早夜捫心涓

埃莫報况臣以翦劣庸材初任今職臣父兩廣

總督臣趙宏燦諄諄誨臣恪共職守雖勤慎不

遑終慚糜祿茲於本部侍郎臣王原祁纂修館

中竊見

萬壽盛典一書已經告成臣自愧無文未附謳歌於卷

未顧念留傳不朽應付棗梨近見

御製諸書多有恭請刊刻者臣至愚極陋未諳文理郎

署辦事之餘校讐考對或堪效力為此不揣愚

拙冒昧

奏請伏乞

聖慈俯鑒微忱准臣在寓開局恭候

頒發定本校對刊刻次第進呈

御覽犬馬私情庶得少申萬一緣臣父道遠未能具摺

欽定四庫全書

萬壽盛典初集
奏摺

臣謹

奏

本日奉

旨好准他奏

四月十七日臣王原祁謹

奏臣同纂修官侍講學士臣李紱編修臣嵇曾筠臣

儲在文修撰臣王世琛臣王敬銘臣男編修臣

王譽等恭紀

萬壽盛典初集正月恭進三十卷又前進畫圖二卷共

三十二卷今又纂得二十八卷繕錄稿本恭呈

御覽恐有體例未合詞句未當應行刪改處伏乞

聖訓指示恭候

欽定四庫全書

萬壽盛典初集
奏摺

命下再行詳細校對發刊初集擬共一百二十卷恭載

宸藻及臣等撰次者已成六十卷其歌頌詩文亦擬分

為六十卷容臣等採錄編輯繕寫進

呈謹

奏

本日奉

旨交南書房翰林查看

十月二十六日詹事府詹事加二級臣王奕清
謹

奏

萬壽畫圖及

萬壽盛典兩年以來開館繪畫纂修先已進呈

盛典六十卷業蒙

皇上允戶部員外臣趙之垣效力刊刻尚有歌頌詩文

六十卷亦已選擇鈔錄將成俟進呈之後一并

欽定四庫全書

萬壽盛典初集
奏摺

交與趙之垣刊刻至書中小圖有在館修書修

撰臣王敬銘同冷枚校閱發刻已成者五十四

頁未完者九十四頁其大綱畫圖於康熙五十

二年十二月進呈稿本五十三年四月領到絹

三十丈遴選得畫圖人員徐玫等及

萬壽科武會元臣金昆協同冷枚共十二人盡心繪畫

今已畫成十二丈未成者尚有十八丈現在趙

工竊念臣雖未諳畫理然累世蒙

恩全家荷

寵分應效力况

萬壽昌期普天同慶衢歌華祝遠盛堯年渝舞嵩呼遙

逾漢日

翠輦經行之處躋大地於春臺

皇恩覃被之餘登八荒於壽域真頌賜之莫罄亦圖繪

之難名願見為榮躬逢斯幸今書畫局中一應

事宜臣願接任同臣姪編修臣暮照前料理臣

欽定四庫全書

萬壽盛典初集
奏摺

吉

未敢擅便相應請

旨伏候

聖裁謹

奏

本日奉

旨好准他奏

十二月二十八日臣王奕清謹

奏臣蒙

恩接管

萬壽書畫事宜所有

盛典中歌頌六十卷已經選擇謄稿恭呈

御覽其中如有應行刪改之處伏候

聖裁指示連前所

進六十卷全書共一百二十卷謹

欽定四庫全書

萬壽盛典初集
奏摺

吉

奏

本日奉

旨交南書房翰林看

五十五年三月十七日刑部雲南司郎中臣趙之垣謹

奏正月十三日

南書房發出臣第二次進呈

萬壽盛典一套已經照簽修改訖今又刻成四十三卷

至六十卷共一十八卷恭呈

御覽伏乞

皇上恩賜指示遵行抑臣更有請者

欽定四庫全書

萬壽盛典初集 奏摺

六

萬壽盛典一書創自

聖朝昭垂萬古臣以一介微員謬膺校刊重任

恩榮已極伏查翰林院編修臣蔣漣校刊

御製文集卷後竝得附列山東巡撫臣蔣陳錫及編修

臣蔣漣父子姓名倘蒙

皇上格外加恩准臣父兩廣總督臣趙宏燦竝臣叔直

隸總督臣趙宏燮及臣之垣姓名附於卷末則

臣父子叔姪既已身沐

殊恩兼得附名典冊生生世世永矢報稱於靡涯矣臣不勝感激欣幸之至謹

奏

本日奉

旨准刻將此一集交南書房對看

欽定四庫全書

萬壽盛典初集 奏摺

七

四月初十日詹事府詹事臣王奕清謹

奏臣荷蒙

恩命准臣接管

萬壽館書畫事宜正值

盛典初集告成臣伏讀循覽具見我

皇上壽與天齊福如川至八方華祝萬國嵩呼苟非深

仁厚澤久道化成何以航海梯山普天同慶一

至於此誠振古未有之盛事亦曠世未見之奇

欽定四庫全書

萬壽盛典初集
奏摺

書共繕草本一百二十卷先後進

呈

御覽奉

旨發南書房校正隨付郎中臣趙之垣刊刻將次告成

臣伏查衍聖公臣孔毓圻刊刻

幸魯盛典曾請

御製序文并於卷首今

盛典一書敷揚率土臣民稱觥祝嘏之誠將來昭示中

外輝耀古今必得

御製序文以垂永久俾萬世臣民咸知壽國壽民至意

每歷十年更增一帙巍巍煌煌與天無極臣等

幸與編摩曷勝榮寵所有現在本館監修分纂

校錄收掌人員及臣兄侍郎臣原祁臣姪編修

臣簪應否仰邀

聖恩附名簡末伏候

聖裁至

欽定四庫全書

萬壽盛典初集
奏摺

養心殿監造

南書房校對翰林亦祈請照各館書成列名之例一

并列入再臣接任本館之日用有臣表兄官學

教習期滿候選知縣徐榮疇經管書局校對刊

刻畫圖可否同翰林院待詔曹日瑛列名收掌

之末未敢擅便伏候

上裁又臣於康熙五十四年十月內進有

萬壽書畫事宜一摺亦應照例附入合并聲明謹